

pregledalo i upisalo se
potpis dekan Edise L

U G O V O R O N A B A V C I K A N C E L A R I J S K O G M A T E R I J A L A

zaključen dana _____ 2020. godine u Sarajevu između ugovornih strana:

1. Stomatološki fakultet sa klinikama Sarajevo, Bolnička br. 4a, kojeg zastupa dekan prof. dr. sc. Muhamed Ajanović (u daljem tekstu: Naručilac)

Identifikacioni broj: 4200542470007
Poreski broj: 01073987
Transakcijski m: 1411965320008475
Budžetska organizacija: 2104024

2. R&S d.o.o. Sarajavo iz Vogošće, Igmanska bb, kojeg zastupa Kemal Selmanagić (u daljem tekstu: Ponuđač)

Identifikacioni broj: 4200056290005
Poreski broj: 200056290005
Transakcijski m: 1401010024114039

PREDMET UGOVORA

Član 1.

Predmet ovog Ugovora je nabavka kancelarijskog materijala na Stomatološkom fakultetu sa klinikama, koje će Ponuđač izvršiti Naručiocu u skladu sa odredbama ovog Ugovora i tenderskom dokumentacijom Naručioca broj: 02-2-1-48-39-10/20 od 24.09.2020. i Ponudom broj: 02-2-1-48-39-16 od 09.10.2020. dostavljenom po konkurentskom zahtjevu za dostavu ponuda za nabavku kancelarijskog materijala na Stomatološkom fakultetu sa klinikama Univerziteta u Sarajevu.

Ponuđač se obavezuje da robu isporuči u skladu sa Tenderskom dokumentacijom naručioca i ponudom Ponuđača roba držeći se tehničkih propisa, pravila i standarda i pozitivnih propisa koji uređuju predmetnu oblast.

Ponuda Ponuđača roba je u prilogu i čini sastavni dio Ugovora sa specifikacijom roba.

CIJENA

Član 2.

Naručilac će na ime isporučenih roba iz člana 1. ovog ugovora Ponuđaču isplatiti

Cijena bez PDV-a: 5.500,00 KM;
Porez na dodanu vrijednost (PDV 17%) = 935,00 KM;
Popust: 00,00 KM
UKUPNA VRIJEDNOST/CIJENA sa PDV-om = 6.435,00 KM;
(slovima: šesthiljadačetiristotinetridesetpet i 00/100 KM).

Član 3.

Cijena iz prethodnog člana utvrđena je na osnovu vrsta, količina i jediničnih cijena iz Ponude Ponuđača / Specifikacija roba.

Ugovorene jedinične cijene su fiksne i ne mogu se mijenjati ni pod kojim uslovima.

ROK ISPORUKE

Član 4.

Ponudač se obavezuje da će isporuku roba Kancelarijskog materijala vršiti po dostavljenom zahtjevu/narudžbenici Naručioca roba u kojoj će biti naznačene vrste roba najkasnije u roku od 30 kalendarskih dana od momenta dostavljanja narudžbenice od strane Naručioca.

NAČIN PLAĆANJA

Član 5.

Naručilac će izvršiti plaćanje samo nespornih roba isporučenih po ovom Ugovoru i ovjerenih od strane odgovornog lica.

Plaćanje će se vršiti nakon izvršene primopredaje ugovorenih roba bez primjedbe, a u roku 30 (trideset) dana od dana dostavljanja fakture.

Plaćanje će se vršiti na transakcijski račun Ponuđača br. 1401010024114039 otvoren kod Sberbank BH dd Sarajevo.

OBAVEZE NARUČIOCA

Član 6.

Naručilac se obavezuje da:

1. Organizovati primopredaju roba.
2. Izvrši plaćanje isporučene robe na način i u rokovima utvrđenim ovim Ugovorom.

OBAVEZE PONUĐAČA

Član 7.

Ponuđač se obavezuje, naročito:

1. isporučiti robe na način, u rokovima i po cijeni određenoj Ugovorom i tehničkom specifikacijom;
2. pridržavati se u potpunosti ovog Ugovora na osnovu kojih se isporučuju robe;
3. otkloni sve nedostatke prilikom primopredaje roba u roku koji odredi odgovorna osoba Naručioca;
4. snosi sve eventualne štete prema trećim licima prilikom isporuke roba, odnosno nastalih kao posljedica isporuke roba;

UGOVORNA KAZNA

Član 8.

U slučaju prekoračenja roka za isporučenu robu iz ovog Ugovora, Ponuđač se obvezuje platiti Naručiocu ugovornu kaznu u visini 1% od ukupne vrijednosti ugovorenih roba za svaki kalendarski dan prekoračenja roka iz člana 7. ovog Ugovora. Ukupna ugovorna kazna ne smije prelaziti 10% ukupne vrijednosti ovog Ugovora.

Plaćanje ugovorne kazne ne oslobađa Ponuđača obaveze da u cijelosti završi i preda Naručiocu isporučenu robu.

Ako Naručiocu nastane šteta zbog prekoračenja ugovorenog roka isporuke roba u iznosu većem od Ugovorne kazne Ponuđač je dužan da plati Naručiocu pored ugovorne kazne i iznos naknade štete koji prelazi visinu Ugovorne kazne.

BANKOVNE GARANCIJE ZA OSIGURANJE IZVRŠENJA UGOVORENIH OBAVEZA

Član 9.

Ponuđač je, u smislu osiguranja izvršenja obaveza po ovom Ugovoru, obavezan Naručiocu, dostaviti sljedeću безусловnu originalnu bankarsku garanciju (prema formi / obrazcu utvrđenom od strane Naručioca):

- garanciju za uredno izvršenje ugovora / dobro izvršenje posla u iznosu 10 % ukupne vrijednosti Ugovora, sa rokom važnosti garancije: 60 dana;

Ponuđač će garanciju iz prethodnog stava dostaviti u roku od 7 (sedam) dana od dana zaključivanja ovog ugovora/obostranog potpisivanja ovog Ugovora.

Garancija za uredno izvršenje ugovora dostavlja se u originalu. Garancija ne smije biti ni na koji način oštećena (bušenjem i sl.) jer probušena ili oštećena garancija se ne može naplatiti. Ukoliko garancija za uredno izvršenje ugovora nije dostavljena na propisan način, shodno uslovima iz tenderske dokumentacije i u roku iz prethodnog stava, zaključeni ugovor će se smatrati apsolutno ništavim.

RASKID UGOVORA

Član 10.

Naručilac može raskinuti Ugovor jednostrano u slijedećim slučajevima:

1. ako se Ponuđač ne pridržava ugovorenih obaveza, odnosno ukoliko grubo krši odredbe Ugovora;
2. ako Ponuđač ne isporuči robu u ugovorenom roku, izuzev ako je za odstupanje data pismena saglasnost odgovorne osobe Naručioca;
3. ako Ponuđač dođe u situaciju da ne može izvršiti svoje obaveze iz Ugovora;
4. ako Ponuđač ne otkloni nedostatke po primjedbi odgovorne osobe Naručioca.

Ako Naručilac raskida Ugovor zbog neizvršenja ugovornih obaveza od strane Ponuđača, Naručilac može raskinuti Ugovor, nakon što Ponuđaču da primjereni naknadni rok za izvršenje ugovorenih obaveza, a Ponuđač ni u naknadnom roku ne Izvrši svoje obaveze.

Član 11.

Ugovor se raskida izjavom u pisanom obliku koja se dostavlja drugoj ugovornoj strani.

U izjavi mora biti naveden razlog zbog kojeg se Ugovor raskida.

Član 12.

Ako ugovorne strane sporazumno raskinu Ugovor tim sporazumom regulirat će sva pitanja nastala povodom raskida Ugovora.

XII OSTALE ODREDBE

Član 13.

Sve izmjene i dopune ovog Ugovora mogu se vršiti samo uz postignutu saglasnost ugovornih strana i zaključenje pismenog aneksa ugovora.

Član 14.

Ponuđač nema pravo zapošljavati, u svrhu izvršenja ugovora o javnoj nabavci fizička ili pravna lica koja su učestvovala u pripremi tenderske dokumentacije ili su bila u svojstvu člana ili stručnog lica koje je angažirala komisija za nabavke, najmanje 6 mjeseci po zaključenju ugovora, odnosno od početka realizacije Ugovora, a u skladu sa Zakonom o javnim nabavkama Bosne i Hercegovine ("Sl. glasnik BiH", broj 39/14), član 72. stav (6).

Član 15.

Ovaj Ugovor stupa na snagu danom potpisivanja i uvođenja u posao od strane ovlaštenih predstavnika ugovornih strana.

Svi rokovi u vezi sa ovim Ugovorom računaju se od dana stupanja Ugovora na snagu, ukoliko posebnom odredbom nije ugovoren neki drugi datum kao početak toka roka.

Član 16.

Ugovorne strane su saglasne da će, u slučaju, da pojedina pitanja, vezana za izvršenje obaveza i ostvarivanje prava po ovom Ugovoru, istim nisu regulisana, primjenjivati odgovarajuće odredbe Zakona važećih za predmetne nabavke i Zakona o obligacionim odnosima.

Član 17.

Ugovorne strane su saglasne da sve eventualne sporove koji nastanu iz odnosa zasnovanih ovim Ugovorom prvenstveno rješavaju sporazumno.

Ukoliko se nastali spor ne može riješiti sporazumom, za rješavanje spora određuje se nadležni sud u Sarajevu.

Član 18.

Ugovorne strane su saglasne da sastavni dio Ugovora čine: Tenderska dokumentacija Naručioca i Ponuda Ponuđača.

Član 19.

Ovaj Ugovor je sačinjen u 4 (četiri) istovjetna primjerka od kojih svaka od ugovornih strana zadržava po 2 (dva) primjerka. Svi primjerci važe kao original i imaju jednako pravno djelovanje.

PRODAVAC
R&S d.o.o. Sarajevo


Kemal Selmanagić, direktor

M.P.

Broj:

599/2020

Datum:

04.12.2020

KUPAC
STOMATOLOŠKI FAKULTET SA
KLINIKAMA


Prof. dr. sc. Muhamed Ajanović, dekan

M.P.

Broj: 02-2-1-48-39-32/20

Datum: 30.11.2020.

